

Sarkina Bt Mat Saad @ Shaari

From: Unit Komunikasi Korporat
Sent: Tuesday, November 13, 2018 8:38 AM
To: UUM - All Staff; UUM - All Students
Subject: Jadikan Sikap Hormat Menghormati Sebagai Budaya Hidup



Unit Komunikasi Korporat
CORPORATE COMMUNICATION UNIT

Universiti Utara Malaysia

13 NOVEMBER 2018 / 05 RABIULAWAL 1440H

=====

"UUM : UNIVERSITI PENGURUSAN TERKEMUKA"
(*THE EMINENT MANAGEMENT UNIVERSITY*)

Oleh: Mohd Amir Aizat Sainon
Gambar oleh: Muhammad Shamsul Shafie

JADIKAN SIKAP HORMAT MENGHORMATI SEBAGAI BUDAYA HIDUP



UUM ONLINE: Pro-Canselor, Duli Yang Teramat Mulia Tengku Sarafudin Badlishah Ibni Sultan Sallehuddin, Raja Muda Kedah, menyeru graduan Universiti Utara Malaysia (UUM) menjadikan sifat saling menghormati antara satu sama lain sebagai budaya hidup.

Bertitah pada sesi kedua Majlis Konvokesyen ke-31 UUM, Tengku Sarafudin menyarankan graduan agar tidak mencari kelemahan dan kecacatan orang lain tanpa sebarang alternatif untuk memperbaiki atau mempertingkatkan sesuatu dengan usaha yang lebih baik.

"Jadikan perbezaan pendapat dan melihat isu yang diangkat dari pelbagai sudut pandang dan gunalah kaedah yang penuh berhikmah dalam menyuarakan pendapat semasa menjalankan tugas atau membuat keputusan sama ada di alam pekerjaan atau yang melibatkan masyarakat," titahnya.

Menurut Tengku Sarafudin, rasa hormat hanya diperoleh sekiranya seseorang individu mempamerkan integriti yang tulen.

"Saya ingin berkongsi nasihat seperti yang dinukilkan di dalam Bahasa Inggeris yang berbunyi:

*Treat people the way you want to be treated.
Talk to people the way you want to be talked to.*


Remember, respect is earned and not given.

"Justeru graduan seharusnya mengamalkan ciri-ciri yang kaya dengan norma-norma dan nilai-nilai insani yang terpuji, termasuk saling menghormati, kesamarataan, bertanggung jawab, serta harga diri yang bertaut dengan nilai hormat itu sendiri.

"Undang-undang di Malaysia seharusnya diaspirasikan serta diiltizamkan sebagai tonggak kepada sikap saling menghormati. Undang-undang yang telah digubal dengan mengambil kira lanskap sosial, ekonomi dan budaya dalam negara merupakan wadah penting terhadap penerapan nilai hormat-menghormati.

"Kedudukan ini wajar diyakini, walaupun istilah hormat-menghormati tidak diungkapkan secara zahir, atau langsung dalam mana-mana peruntukan perundangan," tambah beliau.

Seramai 623 graduan menerima ijazah masing-masing pada sesi kedua Majlis Konvokesyen yang disempurnakan oleh Tengku Sarafudin.



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.